

Radunonza communal dils 12 da matg 2016

1. Beinvegner

Il president communal beneventa 104 votantas e votants a questa radunonza communal. Culs 5 commembers dalla suprastanza ed il canzlist ein 110 persunas cun dretg da votar presentas.

2. Elecziun dils dumbravuschs

Ils dus proponi vegnan elegi unanimamein.

3. Protocol dalla radunonza communal dils 11-12-2015

Dil protocol han ins saviu prender investa en canzlia communal. Igl ei vegniu inoltrau neginas protestas a scret. Il protocol vala tenor artechel 25 dalla constituziun da vischnaunca cun quei sco approbaus.

4. Iniziativa tempo 30

Il 04-11-2015 ei l'iniziativa che pretenda tempo 30 sigl entir intschess habitau dalla vischnaunca vegnida inoltrada. 79 persunas cun dretg da votar han suttascrit l'iniziativa.

Decisiun: La radunonza communal approbescha l'iniziativa cun 54 vuschs GIE encunter 50 vuschs NA.

5. Reglament d'indemnisaziun cussegl scola Scolaviva

Decisiun: La radunonza approbescha unanimamein il reglament d'indemnisaziun dil cussegl scola Scolaviva.

6. Projects dalla Weisse Arena AG

Suandonts projects duein vegnir realisai el decuors digl onn 2016:

- a) Correcturas da terren Fuorcla
- b) Remplazzament dil ficler sil tetg dil reservuar
- c) Access/ sviament Crest la Siala
- d) Sviament pista Plaun

Decisiun: La radunonza approbescha ils projects dall'Arena Alva cun 75 vuschs GIE e neginas cuntervuschs.

7. Ruta per velos da muntogna Grauberg-Plaun

La pendiculara da Cassons ha tschei atun giu siu davos viadi. Il responsabels per il turissem da stad ein sedecidi da schar ir niev la pendiculara dil Grauberg era la stad. Ei duess esser pusseivel, ch'ils velociclists san carrar naven dil Grauberg - Nagens - alp Mughels - alp Sogn Martin - Plaun - Runca - Flem.

Decisiun: La radunonza approbescha la ruta per velos da muntogna Grauberg-Plaun cun 78 vuschs GIE ed 1 vusch NA.

Il president communal siara la radunonza allas 22:15.